

Mai ioun Beretitenti**Dieter F. Uchtdorf**

Kauoman ni Kauntira n te

Moan Beretitentii



Taratara ibukin te Raoiroi

Inanon taratarakin te mweenga ae boou, taanga aika kairake ibukiia aika a itiaki a taetae nakoia kaain rarikiia ibukin rongorongoia kaain te kawa ma reireina.

Temanna te aine are a taetae nakolina e taekina te reirei are e kareireia iai natina. “Aio bon te tabo ae bon te kabanea n rangin tamaroa! Te mataniwi n te reirei e rangi n tikaua n rerei man tamaroa, taan reirei a rangi ni mwaatai raoi, akoi ao ni iraorao. I bon rangi ni kukurei bwa ara ataei a reirei n te reirei ae rangi tamaroa. Ko na bon rangi n tangiria ikai!”

Temanna te aine ae kaokoro are e taekina taekan aia reirei natina: “Bon te tabo ae rangin buakaka. Te mataniwi n te reirei e a bon ti tabe naba ma arona, taan reirei a tuai bane aroia, a buakaka, ao aki iraorao. Ngkana I kona ni karaoa ae n na mwaing nako man te tabo aei, N na karaoia inanon te tai ae waekoa!”

Te bwai ae anai nano bwa aine aikana uoman a bon taetae ibukin te mataniwi n te reirei, taan reirei, ao ai te tabo n reirei ae ti teuana.

Ko a tia n nooria bwa tabeman aomata a kona ni kunea te bwai are a kan kakaea? N taratara raoi n ae tau, ao ko kona ni kunea te tamaroa ao te buakaka ae kuri n reke irouia aomata nako ao ni bwaai nako. Aomata a tia ni karaoa aei ma Ana Ekaretia Jesu Kristo ibukiia aika Itiaki ni Boong Aika Kaitira ni bon moan tein te aro. Te koraki ake a taratara te raoiroi a na reke aomata irouna aika akoi ao n nanoanga—aomata ake a

tangira te Uea ao ni baireia bwa a na beku ibukina ao ni kakabwaiaaki maiuia aomata nako. Ma e boni koaua bwa te koraki ake a taratara te buakaka ni koauana a na kunei bwaai aika aki nakoraoi.

N akea te tekeraoi, inanon taai ao e riki aei bon inanon naba te Ekaretia. Akea te tia nakon aron rikina, wanawana, ao matoan nanoia te koraki ake a taratara ibukin kakaean nanon tiribureaia aomata. A tara n aki kona ni kanakoa nanoia ni kairiribai. A wiinnanti ao ni kunei bureia tabeman. A kabaei aia namakin aika buakaka inanon tebwina te ririki, ni kabongana te tai n urui ao n uotia rikaaki tabeman. E aki kakukurei aio nakon te Uea, “bwa ike e mena iai te bakantang ma te kakarabakau, ao e mena naba iai te kiriwe ma mwakuri aika bubuaka ni bane” (Iakobo 3:16).

Beretitenti George Q. Cannon (1827–1901) e kinaa Beretitenti Brigham Young (1801–77) raoi, ni mwakuri ni kaan mangaia inanon ririki aika mwaiti, n uaia n riki bwa membwa ibukin te Kooram n te Tengaun ma Uoman n Abotoro ao riki bwa ana kauntira n te Moan Beretitentii. Imwiin maten Beretitenti Young, Beretitenti Cannon e koroboki n ana tienoo: “I aki tiriburea ke ni kunea buren Brigham Young ma ana kairiri, ana kaetieti ke ana reirei n te tai aei inanou, ae karako n au taeka ao au mwakuri. Aio bon te kakukurei nakoiu ngkai. Te iango are e mena inanou bon: Ngkana I tiribure ke ni kunea buren, ke ni motika taekan te Tari Brigham, raroara ae N na nako iai;

ngkana I waaki, n na toki ia? N na bon aki onimakinai n te kawai aei. I ataia bwa kitanan te koaua n taai nako e reke man kakeaan te tamnei n tiribure ao ni karekei buure. Tabeman, aika korakora riki, te wanawana ao te taneiai nakoiu e na kona ni karaoi ao ni kitan mwiin tiaian buakaka are I aki riai ni karaoi.”¹

Ana kaetieti Beretitenti Cannon ae korakora bon te bwai ae ti riai ni iangoia ngaira kaain te Ekaretia ma te tararua ae korakora. Ana taeka te Atua e reireiniia taan iriira Kristo bwa a na “itiaki, . . . rau, nimamannei, kai anaaki nanona, on n te nanoanga ma uaa aika raraoi, e aki nanonano, ao e aki mwamwana te aba.” Ibukiia taan raoi, “a na taia uaana ae te raoiroi” (Iakobo 3:17, 18).

Iai inaomatara n rinerine. Ti kona n ukoukora te buakaka inanoia tabeman. Ke ti kona ni karaoa te rau ao te mwakuri ni karababaa nakoia tabeman te atatai, te katiteboaki, ao te kabwarabure are e korakora iangoana ibukira. Bon ara rinerine; ibukin te bwai are ti ukoukorria, are ti na kona ni karekea.

BWAAI AIKA A NA TARAAKI

1. George Q. Cannon, Tienoo, Tianuare. 17, 1878; tibering ae bebete.

ANGA REIREI MAN TE RONGORONGO AEI

“Ko kona n namakinna bwa e karako am atatai n te reirei are ko katauraoia bwa ko na angareirei iaona,” bwaai aika a na taraaki *Teaching, No Greater Call* ([1999], 19). “E ngae n anne, ngkai ko tataro mwaaka ni kamatebwaia, teimatoa ni maiuakinna, katauraoi n angareirei iaona, ao ngkanne tibwaia ma tabeman, oin am koaua e na kakorakoraaki ao ni kananoaki.”

Ngkana ko taratara te maiu ae tamaroa inanon maeua tabeman n te namakaina aei, ko na konaa riki n tauraoi n angareirei iaon te rongorongo aei ao n taetaekina koauana.

RORONRIKIRAKE

Uaa aika Raoiroi man ana Tena te Kamea

Iroun Tara Stringham

Ntain te tiama n 2009, e tenaaki ubu iroun ana kamea raoraou. N akea tekeraoiu, tenaku arei e a karika raeuakin riau, ao I a kainnanoa ituakina.

Imwiin te ikoaki, I a bon rangin nanokawaaki. I butimwaea te kaaitara n tautaeka iaon au iango, ao I namakinna bwa maiu ae bwanin e aki nako raoi. I a bon tabeaianga i bon irou ibukin riau ao n aki tangiria n nako n te tabo ae rawata te aomata iai. N au iango au baire ibukin te biaano, nete, taromauri, uua, ao te reirei ae ngaia ae I a rootaki man ikoakiu.

Ma ngkana I tataro, karekei kakabwaia n te nakoani-bonga, taetae ma au karo, ke ni kawaraki irouia au utu ao raoraou, tamneiu e tabekaki rake ao I namakina te kukurei n tain te nanokawaki. I nooria imwiina bwa ngkana aomata a iangoa taekan ikoakiu, a namakina te nanoanga.

Te taneiai aei e buokai ni katea anuau, ao I reiakinaki bwa n n aki raoraoma n aron aia iango aomata ibukiu. I boni kakabwaiaki naba ibukina bwa ikoakiu e buokai n ataia bwa N na riai ni karaurau ni iango ibukiu ao ni moanna ni mwamwannanoia temwaangina. Tameiu e kakorakoraki inanon te tai aei.

I reiakinaki bwa te kaaitara bon mwakoron ana baire Tamara are i Karawa ibukira. Ngkana ti taratara te raoiroi ao tiaki te buakaka, ti kona n tokanikai iaon te kaaitara, n riki bwa te aomata ae tamaroa, ao ni kariaia te bwai are ti rinanona ni kakorakorai ara koaua.

ATAEI

Taratara te Raoiroi are katobibiko

Ko kona n tara te raoiroi are katobibiko ngkana ko reiakinna bwa kona kakaea. Teuana te kawai ae ko kona n reiakinna ni kinai kakabwaia bon man karoana bwa te anua ni katoa tairiki ni wareki bwaai aika raraoi are ko nooria n te bong anne.

Karaurau n te tairiki aei n tuangjia kaain am utu ibukin tabeua bwaai aika raoiroi are ko noori ni maium n te bong aei.



Iaan te Nakoanibonga ao are e kaineti ma Waakin te Nakoanibonga

*Kamatebuia te karaki aio ao, n ae e angaraioi, maroroakinna ma taian tiitita ake ko kawariia.
Kabonganai titiraki ni buokiko ni kakorakoraia am tiitita ao ni karaoa te Bootaki n Aine bwa iteran maium ae kakammwakuri.*

Tariu aika tangiraki, ai kaka-bwaiakira ngaira kanga! Tiaki ti ngaira kaain te Ekaretia, ma ngaira naba kaain te Bootaki n Aine—“ana bootaki te Uea ibukia aine.”¹ Te Bootaki n Aine bon te kakoaua ibukin ana tangira te Atua ibukiia natina aine.

E kukurei nanom ngkai ko koka uringakin moan waakinan te bootaki ae kakukurei aei? Ni Maati 17, 1842, te burabeti Iotebwa Timiti e barongaiia aine “iaan te nakoanibonga are e kaineti ma waakin te nakoanibonga.”²

Ni barongaaki “iaan te nakoanibonga” e anganiia aine te kariaiakaki ao te kairiri. Eliza R. Snow, te kauoman ni beretitenti n te Bootaki n Aine ni kabuta, e reirei bwa te Bootaki n Aine “e aki kona ni maiu n akea te Nakoanibonga, man te koaua are e karekeaki ibukin kariaiakana ao mwiina man bwaai n reirei.”³ Unimwaane Dallin H. Oaks man te Kooram n te Tengaun ma Uoman n Abotoro e kabwarabwara, “Te kariaiakaki are e na kamwakuraki irouia aobitia ao taan reirei n te Bootaki n Aine . . . bon te kariaiakaki are e na baro nako aoia rinanon aia bootaki are e irekereke ma ana Ekaretia Iesu Kristo ibukiia aika Itiaki ni Boong Aika Kaitira ao rinanon anganakiia

te nakoa iaan baia taan kairiri n te nakoanibonga irouia ake a tia ni weteaki.”⁴

Ni barongaaki “ni kaineti ma waakin te nakoanibonga” e anganiia aine te katabeaki ae tabu. Julie B. Beck, te beretitenti n te Bootaki n Aine ni kabuta, e kabwarabwara: “Ti waaki n aron katein te nakoanibonga—are e nanonaki bwa ti na ukeuke, karekea, ao ni mwakuri iaon kaotioti; karaoi babaire inanon kauntira; ao n tabeaianga ibukira ma te nano n akoi nakon temanna ma temanna. Ara bwai bon te nakoanibonga te botoniango ni katauraoiria ibukin kakabwaia n te maiu are aki toki mani karaoakin ao kawakinan berita aika tabu. Mangaia are, n aroia tarira are a taua te nakoanibonga, ara bwai bon te mwakuri ibukin te kamaiuaki, mwakuri ni ibuobuoki, ao n riki bwa aomata aika tabu.”⁵

Barbara Thompson, te kauoman ni kauntira n te beretitentii ae kabuta n te Bootaki n Aine.

Man Koroboki Aika A Tabu

1 I Korinto 11:11; Doctrine and Covenants 25:3; 121:36–46

Man Ara Rongorongo ni Kawai

N tain katean te Tembora are, Nauvoo kurubu n aine a baireia

bwa a na anga nanoia ni buotoka katean te kateitei. Eliza R. Snow e bairea te tua ibukin te kurubu ae boou aei. Ngke e kaotia nakon te Burabeti Iotebwa, e kaeka: “Tuangiia aine aia angabwai e bon butimwaeaki ioun te Uea, ao iai te bwai ae tamaroa iouna ae e a tia ni katauraoria ibukiia. . . . N na barongaia aine iaan te nakoanibonga ni kaineti ma waakin te nakoanibonga”⁶ Teutana te tai iimwiina, te Burabeti e tuanga te Bootaki n Aine ae e a tibwa barongaaki: “I kaoka ngkai te kiing nakoimi n aran te Atua, ao te bootaki aei e na kimwareirei, ao te rabakau ao te wanawana e na baro nako man te tai aei.”⁷ Aine a kantaningaki kamarurungaia nakon te waaki ae boou ae tabu ni katauraoria ibukin otenanti n te nakoanibonga are e na waekoa ni karaoaki n te tembora.

BWAAI AIKA A NA TARAAKI

1. Spencer W. Kimball, “Bootaki n Aine—Its Promise and Potential,” *Ensign*, Maati. 1976, 4.
2. Iotebwa Timiti, e taekina ana taeka Sarah Granger Kimball, “Auto-biography,” *Woman’s Exponent*, Tebetembwa. 1, 1883, 51.
3. Eliza R. Snow, “Te Bootaki n Aine,” *Deseret News*, Eberi. 22, 1868, 81.
4. Dallin H. Oaks, “Te Bootaki n Aine ao te Ekaretia,” *Ensign*, Meei 1992, 36.
5. Julie B. Beck, “Te Bootaki n Aine: Te Mwakuri ae Tabu,” *Riaona*, Nobembwa. 2009, 111.
6. Iotebwa Timiti, e taekina ana taeka Kimball, “Auto-biography,” 51.
7. *Aia Reirei Beretitenti n te Ekaretia: Iotebwa Timiti* (2007), 451.

Tera ae I Kona ni Karaoia?

1. N na kanga ni buokiia titita
ake I kawaria ni butimwaa kaka-
bwaia man ana mwakuri
te Bootaki n Aine ae tabu?

2. Ter ae N na karaoia n te na-
makaina aei ni karikirakea
au konabwai bwa I aonga ni
karekea te kaotioti ae onoti?

Ibukin rongorongona riki tabeua,
nakon www.reliefsociety.lds.org.